

唯美宋词

1.
早岁那知世事艰，中原北望气如山。楼船夜雪瓜洲渡，铁马秋风大散关。
塞上长城空自许，镜中衰鬓已先斑。出师一表真名世，千载谁堪伯仲间！——陆游《书愤五首·其一》
2.
昨夜江边春水生，艤艫巨舰一毛轻。向来枉费推移力，此日中流自在行。
——朱熹《活水亭观书有感二首·其二》
3.
我居北海君南海，寄雁传书谢不能。桃李春风一杯酒，江湖夜雨十年灯。
持家但有四立壁，治病不蕲三折肱。想见读书头已白，隔溪猿哭瘴溪藤。
——黄庭坚《寄黄几复》
4.
百花头上开，冰雪寒中见。霜月定相知，先识春风面。主人情意深，不管江妃怨。
折我最繁枝，还许冰壶荐。——辛弃疾《生查子·重叶梅》
5.
霁天欲晓未明间，满目奇峰总可观。却有一峰忽然长，方知不动是真山。
——杨万里《晓行望云山》
- 6.古人学问无遗力，少壮工夫老始成。——陆游《冬夜读书示子聿》
7.
古木阴中系短篷，杖藜扶我过桥东。沾衣欲湿杏花雨，吹面不寒杨柳风。
——志南《绝句》

8.
世味年来薄似纱，谁令骑马客京华。小楼一夜听春雨，深巷明朝卖杏花。
矮纸斜行闲作草，晴窗细乳戏分茶。素衣莫起风尘叹，犹及清明可到家。
——陆游《临安春雨初霁》

9.
数声鶯鶯，又报芳菲歇。惜春更把残红折，雨轻风色暴，梅子青时节。
永丰柳，无人尽日花飞雪。莫把幺弦拨，怨极弦能说。天不老，情难绝。
心似双丝网，有千千结。夜过也，东窗未白孤灯月。——张先《千秋岁》

10.
红藕香残玉簟秋，轻解罗裳，独上兰舟。云中谁寄锦书来？雁字回时，
月满西楼。花自飘零水自流。一种相思，两处闲愁。此情无计可消除，
才下眉头，却上心头。——李清照《一剪梅》

11.
东风夜放花千树，更吹落，星如雨。宝马雕车香满路。凤箫声动，玉壶
光转，一夜鱼龙舞。蛾儿雪柳黄金缕，笑语盈盈暗香去。众里寻他千百
度，蓦然回首，那人却在，灯火阑珊处。——辛弃疾《青玉案·元夕》

12.
一夕轻雷落万丝，霁光浮瓦碧参差。有情芍药含春泪，无力蔷薇卧晓枝。
——秦观《春日》

13.
春无踪迹谁知？除非问取黄鹂。百啭无人能解，因风飞过蔷薇。——黄
庭坚《清平乐》

14.
栏干十二独凭春，晴碧远连云。千里万里，二月三月，行色苦愁人。谢
家池上，江淹浦畔，吟魄与离魂。那堪疏雨滴黄昏。更特地、忆王孙。
——欧阳修《少年游·栏干十二独凭春》

15.千古江山，英雄无觅，孙仲谋处。——辛弃疾《永遇乐》

16.

夜色催更，清尘收露，小曲幽坊月暗。竹槛灯窗，识秋娘庭院。笑相遇，似觉琼枝玉树相倚，暖日明霞光烂。水盼兰情，总平生稀见。画图中、旧识春风面，谁知道自到瑶台畔。眷恋雨润云温，苦惊风吹散。念荒寒寄宿无人馆，重门闭，败壁秋虫叹。怎奈向一缕相思，隔溪山不断。——周邦彦《拜星月慢》

17.聚散苦匆匆，此恨无穷。——欧阳修《浪淘沙·把酒祝东风》

18.

今年花胜去年红。可惜明年花更好，知与谁同？——欧阳修《浪淘沙》

19.

小雨纤纤风细细，万家杨柳青烟里。恋树湿花飞不起，愁无比，和春付与东流水。九十光阴能有几？金龟解尽留无计。寄语东阳沽酒市，拚一醉，而今乐事他年泪。——朱服《渔家傲》

20.大江东去，浪淘尽，千古风流人物。——苏轼《念奴娇·赤壁怀古》

21.

无情不似多情苦。一寸还成千万缕。天涯地角有穷时，只有相思无尽处。——晏殊《玉楼春》

22.少年侠气，交结五都雄。——贺铸《六州歌头·少年侠气》

23.

连天芳草雨漫漫，赢得鸥边野水宽。花欲尽时风扑起，柳绵无力护春寒。——葛天民《江上》

24.

老夫聊发少年狂，左牵黄，右擎苍，锦帽貂裘，千骑卷平冈。——苏轼《江城子·密州出猎》

25.

楼上谁将玉笛吹，山前水阔暝云低。劳劳燕子人千里，落落梨花雨一枝。修禊近，卖饧时，故乡惟有梦相随。夜来折得江头柳，不是苏堤也皱眉。——张炎《鹧鸪天》

26.会挽雕弓如满月，西北望，射天狼。——苏轼《江城子·密州出猎》

27.江山如画，一时多少豪杰。——苏轼《念奴娇·赤壁怀古》

28.

红笺小字，说尽平生意。鸿雁在云鱼在水，惆怅此情难寄。斜阳独倚西楼，遥山恰对帘钩。人面不知何处，绿波依旧东流。——晏殊《清平乐》

29.

春雨如毛又似埃，云开还合合还开。怪来春晚寒如许，无赖桐花领取来。——杨万里《春雨不止二首·春雨如毛又似埃》

30.

寒蝉凄切，对长亭晚，骤雨初歇。都门帐饮无绪，留恋处，兰舟催发。执手相看泪眼，竟无语凝噎。念去去，里烟波，暮霭沉沉楚天阔。多情自古伤离别，更那堪，落清秋节！今宵酒醒何处？杨柳岸，风残月。此去经年，应是良辰好景虚设。便纵有千种风情，更与何人说！——柳永《雨霖铃》

31.

记玉关踏雪事清游，寒气脆貂裘。傍枯林古道，长河饮马，此意悠悠。短梦依然江表，老泪洒西州。一字无题处，落叶都愁。载取白云归去，问谁留楚佩，弄影中洲？折芦花赠远，零落一身秋。向寻常野桥流水，待招来不是旧沙鸥。空怀感，有斜阳处，却怕登楼。——张炎《八声甘州》

32.

风住尘香花已尽，日晚倦梳头。物是人非事事休，欲语泪先流。闻说双

溪春尚好，也拟泛轻舟。只恐双溪舴艋舟，载不动许多愁。——李清照
《武陵春》

33.

丝丝杨柳丝丝雨。春在溟濛处。楼儿忒小不藏愁。几度和云飞去、觅归舟。天怜客子乡关远。借与花消遣。海棠红近绿阑干。才卷朱帘却又、晚风寒。——蒋捷《虞美人·梳楼》

34.

此生谁料，心在天山，身老沧洲。——陆游《诉衷情·当年万里觅封侯》

35.

倚阑正尔受斜阳，细雨霏霏度野塘。本为柳枝留浅色，却教梅蕊洗幽香。小沾蝶粉初何惜，暂涩莺声亦未妨。造物无心宁遍物，凭谁闲与问东皇？——陆游《春雨·倚阑正尔受斜阳》

36.海阔山遥，未知何处是潇湘？——柳永《玉蝴蝶》

37.庭院深深深几许？杨柳堆烟，帘幕无重数。——欧阳修《蝶恋花》

38.

离多最是，东西流水，终解两相逢。浅情终似，行云无定，犹到梦魂中。可怜人意，薄于云水，佳会更难重。细想从来，断肠多处，不与今番同。——晏几道《少年游·离多最是》

39.

候馆梅残，溪桥柳细。草薰风暖摇征辔。离愁渐远渐无穷，迢迢不断如春水。寸寸柔肠，盈盈粉泪。楼高莫近危阑倚。平芜尽处是春山，行人更在春山外。——欧阳修《踏莎行·候馆梅残》

40.

怒发冲冠，凭阑处、潇潇雨歇。抬望眼，仰天长啸，壮怀激烈。三十功名尘与土，八千里路云和月。莫等闲、白了少年头，空悲切。靖康耻，

犹未雪。臣子恨，何时灭。驾长车，踏破贺兰山缺。壮志饥餐胡虏肉，笑谈渴饮匈奴血。待从头、收拾旧山河，朝天阙。——岳飞《满江红·写怀》

41.

旧日堂前燕，和烟雨，又双飞。人自老，春长好，梦佳期。——韩元吉《六州歌头》

42.

帘外雨潺潺，春意阑珊。罗衾不耐五更寒。梦里不知身是客，一晌贪欢。独自莫凭栏，无限关山。别时容易见时难。流水落花春去也，天上人间！——李煜《浪淘沙令》

43.

千古江山，英雄无觅，孙仲谋处。舞榭歌台，风流总被雨打风吹去。斜阳草树，寻常巷陌，人道寄奴曾住。想当年，金戈铁马，气吞万里如虎。——辛弃疾《永遇乐·京口北固亭怀古》

44.

雨打江南树。一夜花开无数。绿叶渐成阴，下有游人归路。与君相逢处。不道春将暮。把酒祝东风，且莫恁、匆匆去。——王安石《伤春怨·雨打江南树》

45.

春未老，风细柳斜斜。试上超然台上看，半壕春水一城花。烟雨暗千家。寒食后，酒醒却咨嗟。休对故人思故国，且将新火试新茶。诗酒趁年华。——苏轼《望江南·超然台作》

46.

寒蝉凄切，对长亭晚，骤雨初歇。都门帐饮无绪，留恋处，兰舟催发。执手相看泪眼，竟无语凝噎。念去去，千里烟波，暮霭沉沉楚天阔。

47.

醉里挑灯看剑，梦回吹角连营。——辛弃疾《破阵子·为陈同甫赋壮词

以寄之》

48.寂寞凭高念远，向南楼、一声归雁。——陈亮《水龙吟》

49.

将军百战身名裂。向河梁，回首万里，故人长绝。易水萧萧西风冷，满座衣冠似雪。正壮士，悲歌未彻。啼鸟还知如许恨，料不啼清泪长啼血。谁共我，醉明月？——辛弃疾《贺新郎》

50.

燕子不知何世，向寻常、巷陌人家，相对如说兴亡，斜阳里。——周邦彦《金陵怀古》

51.

薄雾浓云愁永昼，瑞脑消金兽。佳节又重阳，玉枕纱厨，半夜凉初透。东篱把酒黄昏后，有暗香盈袖。莫道不消魂，卷帘西风，人比黄花瘦。——李清照《醉花阴》

52.

春花秋月何时了？往事知多少。小楼昨夜又东风，故国不堪回首月明中。雕栏玉砌应犹在，只是朱颜改。问君能有几多愁？恰似一江春水向东流。——李煜《虞美人·春花秋月何时了》

53.

笑相遇，似觉琼枝玉树相倚，暖日明霞光烂。——周邦彦《拜星月慢》

54.

春路雨添花，花动一山春色。行到小溪深处，有黄鹂千百。飞云当面化龙蛇，夭矫转空碧。醉卧古藤阴下，了不知南北。——秦观《好事近·梦中作》

55.

去年元夜时，花市灯如昼。月上柳梢头，人约黄昏后。——欧阳修《生查子·元夕》

本文链接：<https://duanjuziku.com/duanjuzi/g5gf5j5cny.html>